



REPUBLIKA E SHQIPËRIE
MINISTRIA E FINANCAVE

DREJTORIA E PËRGJITHSHME E HARMONIZIMIT TË KONTROLLIT TË
BRENDSHËM FINANCIAR PUBLIK
DREJTORIA E HARMONIZIMIT TË MENAXHIMIT FINANCIAR
DHE KONTROLLIT

16833

URDHËR

Nr. 116, datë 1/12 2016

PËR

**“FILLIMIN E PROCEDURAVE TË PËRZGJEDHJES SË ANËTARËVE TË BORDIT
TË MBIKËQYRJES PUBLIKE DHE PËR NGRITJEN E KOMISIONIT AD-HOC”**

Në mbështetje të pikës 4, të nenit 102 të Kushtetutës të Republikës së Shqipërisë, pikës 5 të Kreut II të Vendimit të Këshillit të Ministrave nr. 786, datë 09.11.2016 “Për procedurat e përzgjedhjes dhe rastet e shkarkimit të anëtarëve, si dhe rregullat e organizimit e të funksionimit të Bordit të Mbikëqyrjes Publike”,

URDHËROJ:

1. Fillimin e procesit të përzgjedhjes së anëtarëve të Bordit të Mbikëqyrjes Publike.
2. Fillimin e procedurës së pranimit të aplikimeve të kandidatëve për anëtarë të Bordit, të cilët do të kryejnë këto detyra kryesore:
 - a) mbikëqyrin kontrollin e cilësisë;
 - b) mbikëqyrin, monitorojnë dhe vlerësojnë zbatimin e procedurave të testimit dhe regjistrimit të audituesve ligjorë dhe të shoqërive audituese;
 - c) mbikëqyrin programet dhe kualifikimin e vazhdueshëm profesional të audituesve ligjorë;
 - ç) miratojnë rregulloret e investigimit dhe të procedurave për marrjen e masave disiplinore;
 - d) miratojnë programet vjetore të punës dhe raportet e veprimtarive të Bordit;
 - dh) shqyrtojnë dhe marrin vendim për rastet e shkeljeve disiplinore, që janë kompetencë e Bordit;
 - e) shqyrtojnë dhe marrin vendime për aspekte apo çështje të tjera, të parashikuara në ligjin nr. 10091, datë 05.03.2009, “Për auditimin ligjor, organizimin e profesionit të audituesit ligjor dhe të kontabilistit të miratuar”, i ndryshuar, që janë brenda objektit të veprimtarisë së Bordit.
3. Të drejtën për të aplikuar në procesin e përzgjedhjes si anëtar i Bordit e kanë kandidatët që plotësojnë kriteret e përcaktuara në ligjin nr. 10091, datë 5.03.2009 “Për auditimin ligjor, organizimin e profesionit të audituesit ligjor dhe të kontabilistit të miratuar”, i ndryshuar, si më poshtë:
 - a) të kenë shtetësi shqiptare;

- b) të kenë integritet moral dhe profesional;
 - c) të mos jenë dënuar penalisht me vendim të formës së prerë;
 - ç) të zotërojnë, të paktën, diplomë “Master i shkencave” apo të barasvlershëm me to, sipas legjislacionit të arsimit të lartë dhe 10 vite përvojë, ose një gradë apo titull shkencor dhe 7 vite përvojë pune në çështjet e auditimit ligjor dhe të kontabilitetit;
 - d) të mos kenë lidhje të afërta, deri në shkallë të dytë, me personat në organet e zgjedhura të organizatës profesionale të audituesve ligjorë.
4. Kandidatët që aplikojnë për anëtar të Bordit të Mbikëqyrjes Publike, duhet të paraqesin zyrtarisht në Ministrinë e Financave dokumentacionin e mëposhtëm:
- a) Kërkesën me shkrim;
 - b) Kopje të pasaportës ose kartës së identitetit (ID);
 - c) Curriculum vitae;
 - ç) Dy vlerësimet e fundit vjetore, në rast se kandidati vjen nga institucionet publike;
 - d) Kopje të noterizuar të librezës së punës;
 - dh) Kopje të noterizuar të diplomës;
 - e) Vetëdeklarim mbi konfliktin e interesit sipas përcaktimeve të pikës 4/d të këtij Kreu.
 - ë) Kopje të noterizuara të dëshmive dhe certifikatave të trajnimeve e të kualifikimeve pasuniversitare;
 - f) Dëshminë e penalitetit.
5. Pranimi i dokumentacionit për kandidatët që aplikojnë për anëtar të Bordit do të bëhet brenda 15 ditëve pune, nga data e publikimit të këtij urdhëri në faqen zyrtare të Ministrisë së Financave, në buletinin e njoftimeve zyrtare të Qendrës së Botimeve zyrtare dhe në buletinin e Agjensisë së Prokurimit Publik.
6. Përzgjedhja e kandidatëve do bëhet në bazë të dokumentacionit të paraqitur pranë Ministrisë së Financave të vlerësuar nga Komisioni ad-hoc si më poshtë:
- | | |
|---|---------|
| a) Arsimi | 35 pikë |
| b) Përvoja profesionale në fushën e kontabilitetit dhe auditimit ligjor | 35 pikë |
| c) Kualifikime në fushën e kontabilitetit dhe auditimit ligjor | 30 pikë |
7. Ngritjen e Komisionit ad-hoc, i cili ka për detyrë shqyrtimin e dokumentacionit të paraqitur nga kandidatët për anëtar si dhe hartimin e listës së kandidatëve që plotësojnë kriteret ligjore.
8. Në bazë të vlerësimit, sipas pikës 6 të këtij Urdhri, anëtarët e Komisionit, i rekomandojnë Ministrinë të Financave emërimin e kandidaturave, brenda 10 ditëve pune nga data e mbylljes së afatit të dorëzimit të dokumentacionit nga kandidatët. Lista e kandidatëve që do të kualifikohen publikohet në faqen zyrtare të Ministrisë së Financave.
9. Anëtarët e Komisionit ad-hoc, të jenë si më poshtë:
- a. Zj. Kesjana Halili, Drejtor i Përgjithshëm i Harmonizimit të Kontrollit të Brendshëm Financiar Publik
 - b. Z. Bedri Lila, Drejtor i Harmonizimit të Auditimit të Brendshëm

c. Zj. Vanina Jakupi, Drejtor i Menaxhimit të Reformave në Fushën e Menaxhimit Financiar Publik.

10. Për zbatimin e këtij urdhëri ngarkohet Komisioni ad-hoc si dhe Ministria e Financave.

11. Ky urdhër hyn në fuqi pas publikimit të tij në faqen zyrtare të Ministrisë së Financave, në buletinin e njoftimeve zyrtare të Qendrës së Botimeve zyrtare dhe në buletinin e Agjencisë së Prokurimit Publik.

ARBEN AHMETAJ

MINISTËR

